



# Тенізшевройл Деректер мен дәйектер

2015 жылдың 1-ші жартысы бойынша қорытынды мәлімет

## Тарих/Қатысушылар:

- Әлемдегі ең терең және ірі мұнай кеніштерінің бірі болып саналатын Теніз мұнай кеніші 1979 жылы ашылды.
- «Тенізшевройл» жауапкершілігі шектеулі серіктестігі (ТШО) 1993 жылы 6 сәуірде Қазақстан Республикасы мен «Шеврон» компаниясы арасында жасалған келісім негізінде құрылды. «Тенізшевройл» ЖШС-нің қазіргі серіктестері: «Шеврон» – 50%, «ҚазМұнайГаз» АҚ – 20%, «ЭксонМобил Қазақстан Венчурс Инк.» – 25% және «ЛукАрко Б.К.» – 5%.

## Өнім өндіру/Қорлар:

- Теніз және Королев кеніштерінің алынатын мұнай қоры 750 миллионнан 1,1 миллиард тоннаға дейінгі мөлшерді (6-9 млрд. баррель) құрайды. Жалпы барланған қор жөнінен Теніз кенішінде 3 миллиард тонна (25 млрд. баррель), ал Королев кен алаңында 190 миллион тонна (1,5 млрд. баррель) шамасында мұнай бар деп есептелінеді. Теніз коллекторының шеңбері едәүір, ені 20 шақырым (12 миль), ұзындығы 21 шақырым (13 миль) құрайтын аумақты алғып жатыр.
- 2008 жылы ТШО Шикі газ айдау және Екінші буын зауыты (ШГА/ЕБ3) жобасын аяқтап, нәтижесінде мұнай өндірудің тәуліктік қуаты шамамен 75 000 тоннаға немесе 600 000 баррельге, ал табиғи газ 22 миллион текше метрге немесе 750 миллион текше футқа жетті.

## Мұнай өндіру көлемі:

- 2015 жылдың бірінші жартысында мұнай өндіру көлемі 14,07 миллион тоннаны (112,3 миллион баррель) құрады.

## ТШО өнімінің өзге түрлері:

- 2015 жылдың бірінші жартысында ТШО сұйытылған газ сату көлемін 677 мың тоннаға, ал құрғақ газ сату көлемін 3,64 миллиард текше метрге жеткізді.
- ТШО 1,57 млн. тоннадан астам құқырт сатты, бұл аталмыш кезеңдегі өндірілген 1,24 миллион тонна құқырттің 127%-ын құрайды. ТШО 2015 жылдың бірінші жартысында Теніздең сақталған құқырт көлемін жоспарлы мерзімнен екі жыл бұрын толығымен тазартты.
- ТШО жоғары сапалы құқырттің үш түрін көптеген елдердегі сатып алушыларға, оның ішінде Қазақстанға, Ресей, Украина және Қытайға, сонымен бірге Жерорта теңізі бассейні мен Атлант мұхиты жағалауы елдеріне өткізеді.

## Денсаулық сақтау, өнеркәсіп қауіпсіздігі және қоршаған ортаны қорғау

- 2000 жылдан бері Тенізшевройл қоршаған ортаға әсерді азайтуға бағытталған жобаларға 3 миллиард АҚШ доллар көлемінде қаржы бөлді.
- Қоршаған ортаны қорғауға жұмысалған бұл инвестициялар алауларда жағылатын газдың жалпы көлемін 2000 жылдан 91%-ға азайтуға мүмкіндік берді. Қазіргі таңда ТШО өндірілген газдың 99%-ын көдеге жаратады.
- 2000 жылдан бері өндірілген мұнайдың бір тоннасына шаққандағы атмосфераға жіберілген шығарындылардың көлемі 74%-ға азайды. 2015 жылдың бірінші жартысында атмосфераға жіберілген шығарындылар көлемі ТШО өндірілген мұнайдың бір тоннасына шаққанда, орта есеппен 2,18 килограмды құрады. ТШО 2000 жылдан бері жылдық мұнай өндіру көлемін 154%-ға өсірді.
- 2000 жылдан 2015 жылдың бірінші жартысына дейін қоршаған ортаны қорғау және зауыт сенімділігін арттыру шараларына жұмысалған инвестициялар КТЛ-дағы техникалық ақаулар санын 90%-ға, ал техникалық ақаулар көзінде алауларда жағылатын шикі және қышқыл газ мөлшерін 95%-ға азайтуға ықпалын тигізді.



# Теңізшевройл Деректер мен дәйектер

2015 жылдың 1-ші жартысы бойынша қорытынды мәлімет

## Қаржы көрсеткіштері:

- 1993 жыл мен 2015 жылдың бірінші жартысы аралығында ТШО-ның Қазақстанға тікелей қаржы төлемі тұтастай алғанда 109 миллиард АҚШ долларын құрады. Бұған ТШО-ның жергілікті қызметкерлеріне төленген еңбекақы, қазақстандық тауар өндірушілер мен жабдықтаушылардың өнімдері мен қызметтеріне жұмсалған қаржы, мемлекеттік кәсіпорындарға берілген тарифтер мен төлемдер, қазақстандық серіктеске бөлінген тиісті дивидендтер, сонымен қатар мемлекеттік бюджетке аударылған салық және роялти түріндегі төлемдер кіреді.
- 2015 жылдың бірінші жартысында Қазақстан Республикасына төленген тікелей төлемдердің мөлшері 5,2 миллиард АҚШ долларына жетті. 2014 жылы атапмыш төлемдер көлемі 14,7 миллиард АҚШ долларын құраған болатын.

## Қазақстандық тауарлар мен қызметтер:

- 2015 жылдың бірінші жартысында Теңізшевройл қазақстандық тауарлар мен қызметтерді пайдалануға 1,3 миллиард АҚШ долларынан астам қаржы жұмсады. 1993 жылдан бастап Теңізшевройл қазақстандық мекемелердің 19,1 миллиард АҚШ долларын құрайтын тауарлары мен қызметтерін пайдаланды.

## Қызметкерлер:

- ТШО-да жұмыс жасайтын қазақстандық қызметкерлердің үлесі 1993 жылғы 50% көрсеткішпен салыстырғанда 86% құрайды.
- ТШО-дағы жергілікті ұлттық басшылардың, орта буын жетекшілерінің үлесі жалпы басшылық құрамынға 74% құрайды. Кадрларды оқыту және шындау жөніндегі тұрақты бағдарламаны жүзеге асыру нәтижесінде жауапты басшылықлауазымдарға тағайындалған жергілікті қызметкерлер қатары көбейе түсude.

## Әлеуметтік салаға үлес:

- 1993 жылдан бастап ТШО өз қызметкерлері мен жергілікті тұрғындардың игілігі үшін Атырау облысының әртүрлі әлеуметтік жобаларына 995 миллион АҚШ долларынан астам қаржы жұмсады.
- 2015 жылдың «Игілік» ерікті әлеуметтік инфрақұрылым бағдарламасы бюджеті 25 миллион АҚШ долларын құрайды. Атапмыш қаржының негізгі үлесі Атырау облысындағы балабақшалар, мектептер және басқа әлеуметтік нысандардың құрылышына жұмсалады.
- 2015 жылы Атырау облысының денсаулық сақтау, білім және оқыту салаларының сапасын жақсартуға көмектесу үшін ТШО-ның әлеуметтік инвестициялар бағдарламасына 1 миллион АҚШ долларынан астам қаржы бөлінді.